

徐子久

千家诗
钢笔行书
字帖

目錄

五言千家詩

1

七言千家詩

25

諸名家百花詩

78

五言千家詩

春曉

孟浩然

春眠不覺曉，
處處聞啼鳥。
夜來風雨聲，
花落知多少。

訪春拾遺不過

前人

洛陽訪才子，
江嶺作流人。
聞說梅花早，
何如此地春。

送郭司倉

王昌齡

映門淮水綠，
留騎主人心。
明月隨良掾，
春潮夜夜深。

洛陽道

儲光羲

大道直如髮，
春日佳氣多。
五陵貴公子，
連馬鳴玉珂。

獨坐敬亭山

李白

衆鳥高飛盡，孤雲去獨閑。
相看兩不厭，只有敬亭山。

登鶴鵲樓

王之渙

白日依山盡，黃河入海流。
欲窮千里目，更上一層樓。

觀永樂公主入蕃
孫逖

邊地鶯花少，年來未覺新。
美人天上落，龍塞始應春。

伊州歌

蓋嘉運

打起黃鸝兒，莫教枝上啼。
啼時驚妾夢，不得到遼西。

左掖梨花

丘為

冷艷金欺雪，餘香乍入衣。清風且莫定，吹向玉階飛。

思君思

令狐楚

小苑鶯歌歇，長門蝶舞多。眼看春又去，翠輦不曾過。

題袁氏別業

賀知章

主人不相識，偶坐為林泉。莫謾愁沽酒，囊中自有錢。

夜送趙縱

楊炯

趙氏連城璧，由来天下傳。送君還舊府，明月滿前川。

前川

竹裏館

王維

獨坐幽篁裏，彈琴復長嘯。深林人不知，明月來相照。

未相照

送朱大入秦

孟浩然

遊人五陵去、寶劍值千金。分手脫相贈、平生一片心。

長干行

崔顥

君家住何處、妾住在橫塘。停船暫借問、或恐是同鄉。

詠史

高適

尚有綈袍贈、應憐范叔寒。不知天下士、猶作布衣看。

罷相作

李適之

避賢初罷相、樂聖且銜杯。為問門前客、今朝幾個來。

逢俠者

錢起

燕趙悲歌士，相逢劇孟家。寸心言不盡，前路日將斜。

江行望匡廬

前人

咫尺愁風雨，匡廬不可登。祇疑雲霧裏，猶有六朝僧。

若客漸

韋應物

林中觀易罷，溪上對鵝閑。楚俗饒詞客，何人最往還。

秋風引

劉禹錫

何處秋風至，蕭蕭送雁羣。朝來入庭樹，旅客最先聞。

秋夜寄丘員外

韋應物

懷君屬秋夜，散步咏涼天。山空松子落，幽人應未眠。

秋日

耿濟

返照入閭巷。憂來誰共語。古道少人行。秋風動禾黍。

秋日湖上

薛瑩

落日五湖遊。烟波盡愁。浮沈千古事。誰與問東流。

宮中題

文宗皇帝

輦路生秋草。上林花滿枝。憑高何限意。無復侍臣知。

尋隱者不遇

賈島

松下問童子。言師採藥去。只在此山中。雲深不知處。

湖上驚秋

蘇頌

北風吹白雲，萬里渡河汾。心緒逢搖落，秋聲不可聞。

蜀道後期

張說

客心爭日月，來往預期程。秋風不相待，先至洛陽城。

靜夜思

李白

牀前明月光，疑是地上霜。舉頭望明月，低頭思故鄉。

秋浦歌

前人

白髮三千丈，緣愁似箇長。不知明鏡裏，何處得秋霜。

贈喬侍郎

陳子昂

漢庭榮巧宦，雲閣薄邊功。可憐驄馬使，白首為誰雄。

留別武陵太守

王昌齡

仗劍行千里，微軀敢一言。曾為大梁客，不負信陵恩。

行軍九日思

岑參

強欲登高去，無人送酒來。遠憐故園菊，應傍戰場開。

婕妤怨

皇甫冉

花枝出建章，鳳管發昭陽。借問承恩者，雀蛾幾許長。

題竹林寺

朱放

歲月人閒促，烟霞地多。殷勤竹林寺，更得幾回過。

三閔廟

戴叔倫

沈湘流不盡，唐子怨何深。日暮秋風起，蕭蕭楓樹林。

易水送別

駱賓王

此地別燕丹，壯士發衝冠。昔時人已沒，今日水猶寒。

別盧秦卿

司空曙

知有前期在，難分此夜中。無將故人酒，不及石尤風。

答人

太上隱者

偶來松樹下，高枕石頭眠。山中無曆日，寒盡不知年。

幸蜀回至劍門

玄宗皇帝

劍閣橫雲峻，蒼巖出嵒回。翠屏千仞合，丹嶂五丁開。灌

木紫旗轉。仙雲拂馬來。乘時方在德。嗟爾勒銘才。

和晉陵陸丞

杜審言

獨有宦遊人。偏驚物候新。雲霞出海曙。梅柳渡江春。淑
氣催黃鳥。晴光轉綠蘋。忽聞歌古調。歸思欲沾巾。

蓬萊三殿侍宴奉勅咏終南山 前人

北斗挂城邊。南山倚殿前。雲標金闕迴。樹杪玉堂懸。半
巖通佳氣。中峰繞瑞烟。小臣持獻壽。長此戴尧天。

春夜別友人

陳子昂

銀燭吐清烟。金樽對綺筵。離堂思鬱鬱。別路繞山川。明

月隱高樹，長河沒曉天。悠、洛陽去，此會在何年。

長甯公五東莊

李嶠

別業臨青甸，鳴鏜濟紫霄。長筵鸛鷺集，仙管鳳凰調。
樹接南山近，烟居北渚遙。承恩咸已醉，鬻賞未還鑣。

恩賜燕丘殿書院賜宴應制得林字

張說

東壁圖書府，西園翰墨林。誦詩聞國政，講易見天心。
位竊和羹重，恩叨醉酒深。載歌青輿曲，慙竭為知音。

送友人

李白

青山橫北鄣，白水繞東城。此地一為別，孤蓬萬里征。
浮雲

遊子意、落日故人情。揮手自茲去，蕭蕭班馬鳴。

送友人入蜀

前人

見說蠶叢路，崎嶇不易行。山從人面起，雲傍馬頭生。芳樹籠秦棧，春流遶蜀城。升沈應已定，不必問君平。

次北固山下

王灣

客路青山外，行舟綠水前。潮平兩岸闊，風正一帆懸。海日生殘夜，江春入舊年。鄉書何處達，歸雁洛陽邊。

蘓氏別業

祖詠

別業居幽處，到來生隱心。南山當戶牖，澧水映園林。竹

覆篔簹雪。庭昏朱夕陰。寥々人境外。閒坐聽春禽。

春宿左省

杜甫

花隱掖垣暮。啾々棲鳥過。星臨萬戶動。月傍九霄多。不
寢聽金鑰。因風想玉珂。明朝有封事。數問夜如何。

題玄武禪師屋壁

前人

何年頽虎頭。滿壁畫滄洲。赤日石林氣。青天江海流。錫
飛常近鶴。杯度不驚鷗。似得廬山路。真隨惠遠遊。

終南山

王維

太乙近天都。連山到海隅。白雲迴望合。青靄入看無。分野

中峰變、隲晴衆壑殊。欲投人處宿、隔水問樵夫。

寄左省杜拾遺

岑 參

聯步趨丹陛、分曹限紫微。曉隨天仗入、暮惹御香歸。白
髮悲花落、青雲羨鳥飛。聖朝無闕事、自覺諫書稀。

登總持閣

前人

高閣通諸天、登臨近日邊。晴開萬井樹、愁看五陵烟。檻
外低秦嶺、窗中小渭川。早知清淨理、常願奉金仙。

登兗州城樓

杜甫

東郡趨庭日、南樓縱目初。浮雲連海岱、平野入青徐。孤

嶂秦碑在，荒城魯殿餘。從來多古意，臨眺獨躊躇。

杜少府之任蜀川

王勃

城闕輔三秦，風烟望五津。與君離別意，同是宦遊人。海
內存知己，天涯若比鄰。無為在歧路，兒女共沾巾。

送崔融

杜審言

君王行出將，書記遠從征。祖帳連河闕，軍塵動洛城。旌
旗朝朔氣，笳吹夜邊聲。坐覺煙塵掃，秋風古北平。

扈從登封途中作

宋之問

帳殿褰崔嵬，仙遊實壯哉。曉雲連幕捲，夜火雜星回。